

CONVOCATORIA DO PROGRAMA DE FORMACIÓN DE TITORES E
ORIENTADORES ACADÉMICOS PARA ALUMNOS DE PRIMEIRO CURSO

Curso Académico 2007-08

A Comisión de Organización Académica e Profesorado acordou que o programa de “Titores e Orientadores Académicos”, implantado no curso 2006-07 para Centros concretos, desenvolverase nos vindeiros cursos nos Centros que a Reitoría determine, entre aqueles que o soliciten.

Consonte ao artigo 20 de Lei Orgánica de Universidades, o reitor desenvolve as liñas de actuación aprobadas polos órganos colexiados e executa os seus acordos.

Por todo o anterior, esta Reitoría resolve aprobar a seguinte

CONVOCATORIA

PRIMEIRO.- PRAZAS OFERTADAS

Convócanse 80 prazas (10 por cada titulación) de **Titores e Orientadores para Alumnos do Primeiro Curso**, consonte a relación que se indica:

Campus de Santiago: Facultade de Dereito
Facultade de CC. Políticas e Sociais
Facultade de Filoloxía (Filoloxía Inglesa)
Facultade de Matemáticas
Facultade de Xeografía e Historia (Hª da Arte)

Campus de Lugo: Facultade de Ciencias
Facultade de Administración e Dirección de Empresa

SEGUNDO.- ACTIVIDADES DO PROGRAMA

O programa do curso consta de dúas actividades a desenvolver en dous anos consecutivos, e poderán recoñecerse ata un máximo de **6 créditos de libre elección**, conforme ao disposto nos apartados seguintes.

1.1. - A primeira actividade consiste no curso denominado “**A Universidade de Santiago de Compostela como Servizo Público**”, de contido fundamentalmente teórico, e que terá lugar, preferentemente, entre os meses de abril e maio. Unha vez finalizado este curso, os alumnos presentarán unha memoria que, xunto cunha entrevista persoal, servirá para seleccionar a aqueles que pasen a realizar as actividades de titoría.

Pola superación deste curso, recoñeceranse **3 créditos de libre elección**,

que figurarán no expediente académico coa denominación “**A Universidade de Santiago de Compostela como Servizo Público**”.

1.2.- Para participar na segunda actividade, cómpre ter superado a primeira parte e que o alumno sexa seleccionado, logo dunha entrevista persoal. Esta actividade consiste, de seu, na labor de titoría e no coñecemento e participación no programa “**A Ponte entre o Ensino Medio e a USC**”, ao longo do ano seguinte no que realizou o curso de formación teórica contemplado no apartado anterior.

Pola realización desta actividade, que deberá ser avaliada polo profesor coordinador nomeado pola Dirección do Centro, recoñeceranse **3 créditos de libre elección**, que figurarán no expediente académico coa denominación “**Programa de Tutores de Alumnos de Primeiro Curso**”.

TERCEIRO.- REQUISITOS

Para poder participar neste programa, os alumnos deberán ter superado, cando mínimo, as materias ofertadas aos alumnos de 1º curso, e o 50% dos créditos da súa titulación.

CUARTO.- SOLICITUDES E PRAZO

As solicitudes, dirixidas ao Decano/a ou Director/a, presentaranse nos decanatos ou direccións dos respectivos centros no prazo do 8 ao 18 de Abril.

QUINTO.- SELECCIÓN

4.1.- De resultar máis solicitantes que prazas, estas se adxudicarán:

- a) En primeiro lugar entre os alumnos que lles resten 60 ou menos créditos para rematar e, de resultar prazas vacantes, entre o resto de alumnos que reúnan os requisitos esixidos.
- b) En cada unha das quendas establecidas no apartado anterior, as prazas adxudicaránse en función da media do expediente académico (máximo 4 puntos) e unha entrevista (máximo 1 punto).

4.2.- A Comisión de Selección estará presidida polo Decano/a, o Director/a ou persoa na que delegue, o Coordinador/a nomeado para o Centro e o Coordinador do Programa, Prof. Luis Hervella Torrón. De ser necesarias as entrevistas, convocarase aos alumnos mediante o correspondente anuncio no taboleiro de centro.

A non asistencia á entrevista na data fixada suporá a eliminación do alumno do proceso selectivo.

4.3.- Rematado o proceso de selección, a comisión fará pública a relación de alumnos admitidos e non admitidos nos taboleiros de anuncios do centro, así como os criterios empregados e a correspondente lista de agarda. Contra esa relación os interesados poderán presentar reclamacións dentro dos 3 días hábiles seguintes ao da publicación.

4.4.- Rematado o prazo de reclamacións e resoltas as mesmas pola comisión, o coordinador do programa comunicará ao Servizo de Xestión Académica correspondente, os alumnos seleccionados, aos efectos de que formalicen a matrícula no número de créditos a recoñecer.

SEXTO.- MATRÍCULA, AVALIACIÓN E EFECTOS ACADÉMICOS DA ACTIVIDADE

5.1.- Os alumnos seleccionados deberán matricularse na Unidade de Xestión Académica nos 10 días seguintes á publicación da Resolución definitiva de seleccionados. De non facelo, decaerá no seu dereito, sendo convocado o seguinte da lista de agarda.

5.2.- A avaliación das actividades realizaraa o profesor titor das mesmas mediante informe motivado.

5.3.- O resultado da avaliación reflectirase na correspondente acta asinada polo Coordinador do Programa de Titorías mediante as cualificacións de APTO ou NON APTO, e serán depositadas nos mesmos lugares que as actas ordinarias das distintas materias.

DISPOSICIÓN ADICIONAL.- A Secretaría Xeral ditará as instrucións necesarias para o desenvolvemento da aprobación da presente modificación así como para a emisión, firma e custodia das actas correspondentes a través do sistema informático.

Santiago de Compostela, 7 de abril de 2008



O REITOR,


Senén Barro Amenciro